

**BAIONA**

O Pleno desta corporación en sesión de data 4 de abril de 2013 prestou aprobación inicial a Ordenanza reguladora de instalación de terrazas na vía pública que consonte a Disposición Derrogatoria única derroga a Ordenanza reguladora de terrazas na vía pública aprobada polo pleno de data 1 de decembro de 2005, e publicada no BOP nº 35 de 20/02/06 e corrección de erros no BOP nº 69 de 07/04/06. O expediente sométese á exposición ó público na Secretaría do concello polo prazo de 30 días ós efectos de que os interesados presenten as reclamacións que consideren oportunas en cumprimento do disposto no artigo 49 da Lei 7/85, do 2 de abril de bases de réxime local.

Baiona, 5 de abril de 2013.—O Alcalde, Jesús Vázquez Almuíña.

2013003357

A N U N C I O

Notifícase a D. Santiago Diego Godoy, con documento nº 32267038-N, da cal o último enderezo coñecido é Cmño. Gandarela, 13-Bahiña-Baiona, e que estase a tramitar nas dependencias municipais a baixa de oficio do Padrón Municipal de Habitantes por non residir xa neste Concello.

O que se lle notifica mediante a súa publicación no Boletín Oficial da Provincia e no taboleiro deste Excmo. Concello, ó abeiro do disposto no artigo 59.4 la Lei 30/92, de 26 de novembro, significándolle ó interesado que dispoñe de quince días para aportar cantas alegacións, documentos ou informacións estime pertinentes, en caso contrario procederase a súa baixa de oficio no padrón deste municipio.

Baiona, 9 de abril de 2013.—O Alcalde, Jesús Vázquez Almuíña.

2013003358

* * *

B U E U**A N U N C I O**

O Pleno da Corporación Municipal deste Concello, en sesión ordinaria celebrada o 1 de Marzo de 2013 adoptou o acordo de aprobación inicial da Ordenanza Reguladora da actividade e funcionamento dos establecementos denominados Furanchos do Concello de Bueu (Pontevedra).

O que se fai público polo prazo de TRINTA DÍAS a efectos do seu exame polos interesados e da presentación das reclamacións que consideren, indicando que o expediente se atopa a súa disposición na Secretaría do Concello de Bueu en horario de 9 a 14 de Luns a venres.

De non presentarse reclamacións durante o prazo sinalado entenderase elevado a definitivo o acordo ata entón provisional.

En Bueu, a 8 de abril de 2013.—O Alcalde, Félix Juncal Novas.

2013003318

A N U N C I O

O Pleno da Corporación Municipal deste Concello, en sesión ordinaria celebrada o 1 de Abril de 2013 adoptou o acordo de aprobación provisional das Ordenanzas Fiscais núm. 4 (I.C.I.O), núm. 8 (Taxa apertura de establecementos), e núm. 11 (Taxas Actividades Urbanísticas).

O que se fai público polo prazo de TRINTA DÍAS a efectos do seu exame polos interesados e da presentación das reclamacións que consideren, indicando que o expediente se atopa a súa disposición na Secretaría do Concello de Bueu en horario de 9 a 14 de Luns a venres.



EXCMO. CONCELLO
DE
BAIONA
(PONTEVEDRA)

DNA.SUSANA GALLARDO FARIÑA, SECRETARIA GENERAL DEL EXCMO.AYUNTAMIENTO DE BAIONA (PONTEVEDRA)

CERTIFICO.- Que, o Pleno do Concello de Baiona, en sesión ordinaria celebrada o día 4 de abril de 2013, adoptou o seguinte acordo:

7.- APROBACION, SE PROCEDE, DA ORDENANZA MUNICIPAL REGULADORA DA INSTALACION DE TERRAZAS NA VIA PUBLICA.

Dase conta da seguinte:

PROPOSTA DA ALCALDÍA

O Concello de Baiona en sesión plenaria de data 1/12/2005 aprobou a Ordenanza reguladora de terrazas na vía pública publicada no BOP nº 35 de 20/02/06 e posterior corrección de erros publicada no BOP 69 de 07/04/06.

A instalación de mesas e cadeiras na vía pública ligadas os establecementos comerciais constitúe un uso común especial do dominio público suxeito a autorización administrativa consonte o artigo 85.2 da Lei 33/2003, do 3 de novembro, de Patrimonio das Administracións Públicas e 75.3 do Regulamento de Bens das Corporacións Locais. Co fin de compatibilizar este uso especial do dominio público coa utilización do mesmo por parte dos usuarios das vías propónse unha nova ordenanza reguladora de terrazas na vía pública.

En virtude do exposto propónse ó Pleno da Corporación, previo ditamen da Comisión informativa de Asuntos de Pleno a aprobación do seguinte acordo:

Primero.- Aprobación inicial de la ORDENANZA MUNICIPAL REGULADORA DA INSTALACIÓN DE TERRAZAS NA VÍA PÚBLICA.

EXPOSICIÓN DE MOTIVOS

A instalación de mesas e cadeiras na vía pública constitúe un uso común especial do dominio público.

O artigo 73.3 da Lei 33/2003, do 3 de novembro, do Patrimonio das Administracións Públicas, o Regulamento de Bens das Entidades Locais, aprobado polo Real Decreto 1372/1986, de 13 de xuño, dispón no seu artigo 77.1, que o uso común especial normal dos bens de dominio público suxeitarase a autorización, axustada á natureza do dominio, aos actos da súa afectación e apertura ao uso público e aos preceptos de carácter.

Co fin de regular o outorgamento deste tipo de autorizacións de xeito que sexa compatible a utilización do espazo público para desfrute e tránsito dos usuarios da vía pública coa ocupación da mesma por parte dos titulares de establecementos comerciais e de hostalería, apróbase a presente Ordenanza na que se adoptan unha serie de medidas tendentes a buscar un equilibrio e distribución equitativa e razoable do dominio público. Asemade, procúrase adecuar a estética das instalacións ao entorno dos seus emprazamentos co obxecto de dotar dun atractivo singular o espazo urbano do Concello de Baiona con especial consideración a zona antiga de Baiona declarada Ben de Interese Cultural por Decreto 48/1993, do 25 de febreiro da Consellería de Cultura.

**TÍTULO I
OBJECTO E ÁMBITO DE APLICACIÓN**

ARTIGO 1. OBJECTO

1. A presente Ordenanza ten por obxecto a regulamentación do réxime xurídico a que debe someterse o aproveitamento de terreos, tanto de dominio público, dentro do termo municipal de Baiona mediante a ocupación temporal con terrazas e instalacións análogas que constitúan complemento da actividade que desenvolven os establecementos comerciais e de hostalería de carácter permanente.

2. Esta Ordenanza non será de aplicación aos actos de ocupación do dominio público de carácter hostaleiro que se realicen con motivo da celebración das festas patronais, feiras e festexos populares, que se rexerán pola normativa específica, Ordenanza Fiscal nº 17 reguladora da taxa por utilización privativa do aproveitamento especial do dominio público local con postos, barracas, casetas de venta e espectáculos ou atraccións ambulantes.

3. Non son obxecto desta Ordenanza a instalación de quioscos ou instalacións permanentes en espazos exteriores de dominio público municipal. Ditas ocupacións suxeitaranse a previa concesión administrativa.

ARTIGO 2. INSTALACIÓNS AUTORIZABLES

Aos efectos desta Ordenanza, entenderase por terrazas, as instalacións formadas por mesas, cadeiras, parasoles, estufas, xardineiras, pizarras e outros elementos de mobiliario urbano móbiles e desmontables, que desenvolven a súa actividade de forma accesoria a un establecemento principal comercial ou de hostalería, tal como bar, café - bar, cafetería, restaurante ou similar.

TÍTULO II RÉXIME XURÍDICO

ARTIGO 3. AUTORIZACIÓNS

1. A implantación destas instalacións require a previa obtención de autorización municipal nos termos previstos nesta Ordenanza e na normativa sectorial aplicable. Prohíbese a instalación de terrazas na vía pública sen autorización municipal. O exercicio da actividade desenvolverase a risco e ventura dos interesados.
2. O petionario da autorización non ostenta un dereito preexistente a súa obtención, polo que nin a presentación da solicitude de autorización de ocupación de vía pública, nin o pagamento das taxas correspondentes, autorizan ao interesado para instalar a terraza.

ARTIGO 4. SOLICITUDES-LIQUIDACIÓNS

1. Poderán solicitar autorización para este tipo de ocupacións, os titulares das licenzas actividade ou apertura dos establecementos comerciais e de hostalería, sempre que a actividade se desenvolva de conformidade coas normas urbanísticas e sectoriais que regulan a mesma.
2. As solicitudes deberán formularse no impreso normalizado establecido ao efecto no Anexo I desta Ordenanza, debendo especificar os datos persoais, nome comercial do establecemento e autorización de actividade do mesmo, ámbito temporal da instalación, dimensións da terraza, ancho da beirarrúa libre para peóns, número de cadeiras, mesas, parasoles, pizarras e demais elementos decorativos.
3. De tratarse da primeira instalación, a solicitude acompañarase, con carácter xeral, da seguinte documentación:
 - 3.a) Fotocopia compulsada da autorización de actividade - apertura do establecemento comercial ou de hostalería. A autorización deberá estar en vigor e non atoparse incurso en expedientes de disciplina urbanística e contaminación acústica que afecten ao devandito establecemento.
 - 3.b) Documento que acredite non ter débedas pendentes coa Facenda Municipal.
 - 3.c) Memoria descritiva:
 1. Tipo de ocupación que se vai realizar
 2. Mobiliario que se pretende instalar
 3. Número de mesas, cadeiras a instalar e outros
 4. Superficie a ocupar
 - 3.d) Documentación gráfica:
 1. Fotografías do mobiliario previsto e da fachada do establecemento.
 2. Plano de situación e planta da zona a ocupar, no que se reflectan
 1. Superficie a ocupar
 2. Lonxitude da fachada do establecemento
 3. Ancho da beirarrúa
 4. Distancias a elementos existentes na área de influencia da ocupación (esquinas, paradas de autobuses, saídas de emerxencia, pasos de vehículos e mobiliario urbano).
 - 3.e) Autorización dos propietarios das edificacións colindantes nos casos que así se requira consonte o establecido na presente ordenanza.

ARTIGO 5. PERÍODO DE OCUPACIÓN DA VÍA PÚBLICA

1. Os aproveitamentos obxecto da presente Ordenanza estarán suxeitos ao pagamento das correspondentes taxas establecidas na Ordenanza Fiscal nº 15 reguladora da Taxa por ocupación de terreos de uso público municipal con mesas, cadeiras e outros elementos análogos, con finalidade lucrativa, vinculadas a establecementos de hostalería
2. Os períodos de ocupación establécense na devandita Ordenanza Fiscal, distinguíndose entre ocupación estival e anual. No momento de facer a solicitude, os interesados especificarán o período impositivo polo que optan e para o que desexan obter autorización, debendo efectuar a liquidación tal como figura na devandita Ordenanza Fiscal.
3. A vixencia das autorizacións que se concedan se corresponderá co período do funcionamento autorizado.
4. As autorizacións que se houberan concedido no período precedente que se axusten as condicións establecidas nesta Ordenanza, se renovarán automaticamente sempre e cando non se produza ningunha modificación, e ningunha de ambas partes, Administración municipal ou titular, comunica, cun mes de antelación mínimo o inicio de dito período, a súa vontade contraria a renovación.

A efectos da renovación automática, no caso de solicitudes para o período estival, o titular da instalación deberá aportar no prazo de quince días antes da ocupación efectiva da vía pública, carta de pago das taxas en concepto de utilización privativa o aproveitamento especial correspondentes o período autorizado, xunto cunha declaración xurada de non haberse experimentado modificación respecto a situación do ano precedente en base a cal se concedeu a autorización.

3. A Administración municipal manifestara a súa vontade contraria a renovación nos seguintes supostos:
- Cando se haxan iniciado procedementos dos que se desprenda a existencia de molestias o prexuízos derivados do funcionamento da actividade principal o accesoria.
 - Cando se haxa apreciado un incumprimento das condicións da autorización o da mesma ordenanza.
 - Cando no período autorizado este prevista a execución de actuacións públicas que modifiquen a realidade física existente no momento do outorgamento da autorización.

ARTIGO 6. FORMA DE EFECTUAR A LIQUIDACIÓN DA TAXA

- A liquidación da taxa virá determinada pola superficie ocupada pola terraza e os elementos que a compoñen (mesas, cadeiras, parasoles, elementos decorativos...)
- Por regra xeral, para o cálculo da superficie, considerárase que unha mesa e catro cadeiras dun modelo estándar ocupan unha superficie de 3,06 metros cadrados (1,75m x 1,75m).

ARTIGO 7. TRAMITACIÓN

O procedemento iníciase mediante solicitude no impreso normalizado que conterá, a lo menos, os datos sinalados no artigo 70 da Lei 30/1992, do 26 de novembro, de Réxime Xurídico das Administracións públicas e do Procedemento Administrativo Común (LRX-PAC), ao que se axuntará, no seu caso, a documentación prevista no artigo 4 da presente Ordenanza, que se presentará no rexistro xeral do Concello de Baiona, sen prexuízo do disposto nos artigos 38.4 e 38.9 da Lei LRX-PAC.

Os servizos municipais disporán dun prazo de dez días para examinar a solicitude e a documentación aportada e, no seu caso, requirirán ao interesado para que emende a documentación preceptiva, con indicación de que se non o fixera terase por desistido da súa petición, arquivándose sen máis trámite, cos efectos previstos no artigo 42.1 da LRX-PAC.

Unha vez completada a documentación, emitirase a resolución expresa sobre a solicitude da autorización de ocupación - terraza, motivando no seu caso, a denegación da mesma.

ARTIGO 8. OBRIGA DE RESOLVER

- O órgano competente para a concesión da autorización é o Alcalde - Presidente ou Concelleiro en quen delegue. Sen prexuízo da obriga de resolver, a non contestación do pedimento no prazo dun mes, implicará a súa desestimación consonte o artigo 43 da Lei 30/1992, do 26 de novembro.
- A concesión ou denegación das autorizacións efectuarase en función do cumprimento dos requisitos previstos na presente Ordenanza. No caso de denegarse a autorización procederáse á devolución da taxa autoliquidada, sen prexuízo, no seu caso, do pagamento da taxa polo tempo efectivamente ocupado.

ARTIGO 9. SUPOSTOS DE TRANSMISIBILIDADE E SUBROGACIÓN

1. A autorización de instalación da terraza outorgarase a nome do titular da actividade comercial ou de hostalería ao que estea vinculado.

A autorización non poderá ser arrendada, subarrendada, nin cedida directa ou indirectamente en todo ou en parte.

2. As autorizacións para a instalación de mesas e cadeiras só serán transmisibles no caso de cambio de titularidade da autorización de apertura e funcionamento do establecemento principal, sempre e cando o antigo e o novo titular comuniquen dita circunstancia ao Concello, sen o cal quedarán ambos suxeitos a todas as responsabilidades que se derivaren para o titular de acordo co disposto no artigo 13.1 do Regulamento de Servizos das Corporacións Locais.

ARTIGO 10. SUSPENSIÓN E REVOGACIÓN DA AUTORIZACIÓN

1. Cando concorran circunstancias de interese público que impidan a efectiva utilización do solo para o destino autorizado, tales como obras, acontecementos públicos, festexos populares, situacións de emerxencia ou calquera outras, a autorización municipal quedará sen efecto ata que desaparezan ditas circunstancias, sen que xere dereito a indemnización algunha.

2. Cando xurdan circunstancias imprevistas ou sobrevidas de urbanización, así como de implantación, supresión ou modificación de servizos públicos, ou se produzan danos no dominio público, a Administración concédente mediante resolución motivada poderá revogar a autorización concedida sen dereito a indemnización algunha. Igual facultade acadará no caso de que da actividade autorizada se deriven molestias graves ou moi graves para o tráfico peonil, se produzan queixas ou reclamacións por parte dos veciños, debidamente acreditadas, ou denuncias da Policía Local por molestias de rúidos e por perturbación do descanso nocturno.

TÍTULO III DAS INSTALACIÓNS

ARTIGO 11. CONDICIÓNS DE UBICACIÓN

As instalacións, deberán cumprir as seguintes condicións:

1. Condicións xerais:

A colocación de terrazas nas vías públicas deberá en todo caso respectar o uso común xeral preferente das mesmas. En consecuencia, non suporán obstáculo para o tránsito peonil nin poderán prexudicar a seguridade deste ou do tráfico rodado.

Como regra xeral, a instalación da terraza realizarase nunha soa fileira de mesas apegadas á liña de fachada do establecemento ao que se destina o servizo, sen superala en lonxitude, e deixarase expedito o acceso ás vivendas e locais comerciais colindantes, así como outras circunstancias (paso de peóns, paradas de autobuses, saídas de emerxencia, bocas de rego, hidrantes, rexistros de servizos, respiradoiros dos aparcamentos subterráneos, etc) non o impidan.

Non obstante, poderase permitir a instalación na marxe oposta do local e/ou que a instalación da terraza rebase a liña de fachada do mesmo, acreditando documentalmente a conformidade das fincas colindantes (vivendas e locais comerciais).

A autoridade municipal competente denegará a autorización destas instalacións temporais en calquera dos seguintes supostos:

- Cando se incumpran os requisitos exixidos na presente Ordenanza.
- Cando a instalación se pretenda realizar en calzada ou zona de aparcamento de vehículos.
- Cando supoña un prexuízo para a seguridade viaria (diminución da visibilidade, distracción para o condutor, etc...) ou dificulte sensiblemente o tráfico dos peóns.
- Cando poida incidir na seguridade (evacuación) dos edificios e locais próximos.
- Cando supoña para a súa atención atravesar a calzada con tráfico rodado de vehículos.
- Cando impida ou dificulte gravemente o uso de equipamentos ou mobiliarios urbanos (bancos, fontes, cabinas telefónicas, etc...).

2. Características de ocupación permitida:

BEIRRARRÚAS		
Ancho total da beirarrúa	Espazo libre mínimo	Ocupación terrazas
1,50 - 3,50 metros	1,50 metros	Permisible
3,50 - 5,50 metros	2,00 metros	Permisible
> 5,50 metros	2,50 metros	Permisible

RÚAS PEONÍS	
Ancho total da rúa	Ocupación terrazas
	Permisible (garantindo, en todo caso, o tráfico rodado).

PRAZAS PEONÍS	
	Espazo libre mínimo
	1,50 metros nos percorridos establecidos para o tránsito dos peóns
	1,00 metros arredor de calquera monumento, elemento ou decorativo, salvo espazos de ordenación detallada.

No caso das rúas e prazas peonís, a colocación das mesas requirirá, en cada caso concreto, a vista das solicitudes, un estudo especial, atendendo ao ancho e demais características da rúa ou praza. A estes servizos técnicos, anualmente determinarán graficamente os espazos libres mínimos na vía pública nos ordenación detallada e de maneira, orientativa, posibles disposicións do mobiliario e a súa ocupación en s

ARTIGO 12. MOBILIARIO

1. O mobiliario utilizado nestas instalacións deberá ser acorde coas características urbanas da zona onde se emplace, quedando expresamente prohibida calquera tipo de publicidade en mesas, cadeiras, parasoles ou similares. A estes efectos, non se considerará publicidade a inserción do nome comercial do establecemento no mobiliario, manteis ou outros elementos da terraza.

Permitirase a instalación dun único elemento publicitario a modo de pizarra, de dimensión máxima 0,80 x 1,20 metros, como parte do mobiliario ou decoración da terraza, estando suxeita á autorización de ocupación en todo o regulamento.

Ditas características serán exixidas tanto ás novas instalacións como ás xa autorizadas.

2. O mobiliario que ocupe o espazo acoutado (mesas, cadeiras, xardineiras, etc.) non deberá ter arestas nin saíntes que poidan causar danos sobre os usuarios. Acéptase o emprego de materiais tales como a madeira, os metais ou as resinas. En todo caso, o Concello supervisará e autorizará a ocupación e o mobiliario a instalar como terraza garantindo a súa integración co entorno.

3. No caso de instalar parasoles, deberanse suxeitar mediante una base de suficiente peso, de xeito que non produzan ningún deterioro ao pavimento e non supoña perigo para os usuarios e viandantes. Os materiais textís de que estean compostos estes elementos serán lona ou similar, estando prohibidos os compostos unicamente de PVC e as cores puras ou cercanas a tonalidades puras (vermello, amarelo...).

O voo e o pé de apoio destes elementos quedarán dentro da superficie que ocupa a terraza, debendo ter unha altura mínima de 2,20 metros para non molestar aos peóns.

4. Estará permitida a colocación de estufas de gas propano de exterior axustándose aos seguintes requirimentos:

- O modelo de estufa que se coloque deberá suxeitarse á normativa europea fixada na Directiva 1990/396/CEE, do 29 de xuño, relativa á aproximación das lexislacións dos Estados Membros sobre os aparellos de gas ou, no seu caso, aquela que resulte de concreta aplicación e se atope vixente en cada momento.

En todo caso, a estrutura da estufa deberá ir protexida con unha carcasa ou similar que impida a manipulación de aqueles elementos que conteñan o gas.

- Caso de que un establecemento opte pola colocación de estufas de exterior deberá de retiralas diariamente, de acordo co horario autorizado ao respecto.

- En todo caso, o interesado deberá dispoñer de extintores de pó ABC eficacia 21A113B, en lugar facilmente accesible. Non obstante o anterior, e atendida a existencia de outros elementos de mobiliario urbano ou de diversas circunstancias que poidan afectar de maneira indirecta á colocación das estufas referidas, poderá denegarse a autorización para a súa instalación de forma motivada.

Na solicitude destas instalacións deberá presentarse a seguinte documentación anexa:

- Garantía de calidade e Certificado de Homologación da Comunidade Europea das estufas.
- Contrato con empresa aseguradora no que se contemple a instalación de estufas na terraza.
- Contrato con empresa de mantemento especializada en instalacións de GLP e os seus derivados.

5. Nos ámbitos regulados polo Plan Especial do Conxunto Histórico Artístico de Baiona, haberanse cumprir ademais das indicacións anteriores, as indicadas no Plan Especial, no concernente ás condicións estéticas do exterior dos edificios.

Preferiblemente, a cor das lonas será clara (branca e variedades de ocres claros) mais poderanse empregar outras cores e tons, sempre que resulten discretas e a súa utilización acaída, prohibíndose taxativamente as cores rechamantes.

TÍTULO IV OBRIGAS E PROHIBICIÓNS

ARTIGO 13. OBRIGAS

Os titulares das autorizacións de terrazas quedarán obrigados especialmente a cumprir o seguinte:

1. Cumprir as condicións impostas polo Concello na autorización concedida.
2. Cingirse estritamente á zona autorizada, evitando que os clientes o fagan. Deixarase expedito o acceso a edificios, vivendas, bados de vehículos e locais comerciais.
3. Manter as terrazas e cada un dos elementos que as compoñen nas debidas condicións de limpeza, seguridade e ornato.
4. Colocar en sitio visible mediante un marco axeitado ou funda transparente, o permiso correspondente para que poida ser visto e consultado, sen necesidade de exixir a súa exhibición.
5. Fóra do horario autorizado para a terraza, o titular da autorización virá obrigado a retirar do exterior a totalidade dos elementos, incluíndo as bases dos parasoles. As mesas, cadeiras e parasoles serán recollidos diariamente no interior do local ao que pertenza a terraza ou en local habilitado para tal finalidade polo interesado. Non cabe deixalos na rúa, amontoados e suxeitos con cadeas. A instalación e maila recollida da terraza realizarase co menor ruído posible co obxecto de garantir o descanso da cidadanía. Non obstante, con carácter excepcional durante a tempada de verán, dende o 15 de xuño ata o 15 de setembro, non será obrigatoria a retirada destes elementos da vía pública, pero si a súa orde e recollida, ao final de cada xornada.
6. Corresponde ao titular da autorización a limpeza da superficie ocupada. En todo caso, o espazo ocupado pola terraza deberá quedar limpo despois de cada xornada trala retirada da terraza.
7. Unha vez retirada a terraza, se resultase afectado o pavimento ou mobiliario urbano pola instalación, o titular da autorización será responsable dos danos causados, debendo repoñelos ao seu estado inicial, nun prazo máximo de dez días hábiles.

ARTIGO 14. PROHIBICIÓNS

1. Por razóns de estética, decoro e hixiene, non se permitirá almacenar ou apilar produtos, caixas de bebidas, mobiliario e outros materiais xunto as terrazas, así como tampouco residuos propios das instalacións.
2. Non se permitirá a instalación de mostradores expositivos e outros elementos para o servizo da terraza no exterior desta, que deberá ser atendida desde o propio establecemento.
3. Con carácter xeral non se permitirá a instalación e uso nas terrazas de aparatos audiovisuais, equipos de música, amplificadores e outros elementos que produzan emisións acústicas de calquera tipo.
4. Prohíbese instalar nas terrazas billares, futbolíns, máquinas recreativas, máquinas expendedoras de produtos ou instalacións análogas.
- 5.- Non se permitirá a fixación ao chan das terrazas ou elementos de suxeición.

ARTIGO 15. HORARIOS

1. O funcionamento das terrazas axustarase ao horario comercial do establecemento ao que estea ligada a autorización.
2. Cando xurdan molestias graves ou moi graves, se produzan queixas ou reclamacións por parte dos veciños, debidamente acreditadas, ou denuncias da Policía Local por molestias de rúidos e por perturbación do descanso

nocturno, a Administración concédente mediante resolución motivada poderá limitar o horario das terrazas, en caso de grave prexuízo, previo informe da Policía Local e audiencia ó interesado, revogar a autorización concedida sen dereito a indemnización algunha.

ARTIGO 16.- RECUPERACION DE OFICIO

As instalacións suxeitas a esta ordenanza que se implanten sobre terreos de titularidade e uso público sen autorización, excedendo da superficie autorizada ou incorrendo en calquera incumprimento do seu contido, serán retiradas seguindo o procedemento de recuperación de oficio previsto na normativa patrimonial, conforme a cal, previa audiencia ao interesado e unha vez comprobado o feito da usurpación posesoria o do incumprimento das condicións da autorización e a data na que esta se iniciou, requirirase ao ocupante para que cese na súa actuación, sinalándolle un prazo non superior a oito días para elo.

A orde de retirada amparará cantas execucións materiais se deban realizar namentres persistan as circunstancias que motivaron a súa adopción. No caso de resistencia ao desaloxo, adoptaranse cantas medidas sexan conducentes á recuperación da posesión do ben ou dereito, de conformidade co disposto no capítulo V do título VI da Lei 30/1992, de 26 de novembro. Esta circunstancia non impide a liquidación das taxas que corresponda polo período de ocupación efectivamente realizado.

TÍTULO V RÉXIME SANCIONADOR

ARTIGO 17. INSPECCIÓN

Corresponde aos Axentes da Policía Local e aos Inspectores Municipais a inspección do cumprimento do disposto na presente Ordenanza.

Aos Servizos Técnicos Municipais, Policía Local e Inspectores de Servizos atribúeselles a función específica de fiscalizar o cumprimento das normas establecidas nesta ordenanza e demais disposicións aplicables, correspondéndolles as funcións de investigación, averiguación e inspección, sen prexuízo das facultades da Inspección Tributaria en orde ás regularizacións que procedan respecto da Taxa por Utilización Privativa ou Aproveitamento Especial do Dominio Público Local, Imposto sobre Actividades Económicas ou calquera outro tributo que poida devengarse.

ARTIGO 18. POTESTADE SANCIONADORA

As infraccións a esta Ordenanza serán sancionadas polo órgano competente municipal, previa instrución do correspondente expediente, de conformidade cos principios e procedemento regulados na Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común e no Real Decreto 1398/1993, do 4 de agosto, polo que se regula o procedemento para o exercicio da potestade sancionadora.

ARTIGO 19. INFRACCIÓNS

Constitúen infraccións a esta Ordenanza os actos ou omisións que contraveñan o disposto nela, que se clasifican en leves, graves e moi graves.

ARTIGO 20. INFRACCIÓNS LEVES

Considéranse infraccións leves:

1. O incumprimento da obriga de colocar en sitio visible, adherida á porta ou ao escaparate do establecemento, mediante un marco axeitado ou funda transparente, o permiso/distintivo correspondente para que poida ser visto e consultado pola Policía Local dende a rúa, sen necesidade de exixir a súa exhibición.
2. Ocupar coa terraza maior superficie que a autorizada na autorización.
3. O incumprimento da obriga de manter as terrazas e cada un dos elementos que as compoñen nas debidas condicións de limpeza, seguridade e ornato.
4. O deterioro leve nos elementos do mobiliario e ornamentais urbanos anexos ou colindantes ao establecemento que se produzan como consecuencia da actividade obxecto da autorización.
5. O incumprimento da obriga de retirar do exterior a totalidade dos elementos da terraza ao finalizar o horario autorizado.
6. Almacenar ou apilar produtos, caixas ou outros materiais xunto ás fachadas, así como residuos propios das instalacións.
7. Instalar mostradores e outros elementos no exterior da terraza para o servizo desta.
8. Instalar nas terrazas billares, futbolíns, máquinas recreativas, máquinas expendedoras de produtos ou instalacións análogas.
9. As infraccións que non teñan o carácter de graves ou moi graves.

ARTIGO 21. INFRACCIÓNS GRAVES

Considéranse infraccións graves:

1. A instalación dunha terraza carecendo da preceptiva autorización municipal.
2. A negativa ou obstrución ao labor inspectora, como sería negarse a facilitar, cando sexa requirida polos Inspectores ou Axentes da Autoridade, a autorización da instalación autorizada.
3. Cando a instalación da terraza supoña un prexuízo para a seguridade viaria (diminución da visibilidade, distracción para o condutor, etc...) ou dificulte sensiblemente o tráfico dos peóns.
4. Cando a terraza se instale en xardíns públicos sen autorización.
5. Cando impida ou dificulte gravemente o uso de equipamentos ou mobiliarios urbanos (fontes, cabinas telefónicas, etc).
6. O deterioro grave nos elementos do mobiliario e ornamentais urbanos anexos ou colindantes ao establecemento que se produzan como consecuencia da actividade obxecto da autorización.
7. A reincidencia por dúas veces, pola comisión no termo de 1 ano, de infraccións leves da mesma natureza.

ARTIGO 22. INFRACCIÓNS MOI GRAVES

Considéranse infraccións moi graves:

1. A ocultación, manipulación ou falsidade dos datos consignados na solicitude ou da documentación anexa aportada en orde á obtención da correspondente autorización.
2. Cando a instalación se realice en calzada ou zona de aparcamento de vehículos.
3. A reincidencia por dúas veces, pola comisión no termo de 1 ano, de infraccións graves da mesma natureza.

ARTIGO 23. SANCIÓN

1. As infraccións á Ordenanza tipificadas nos artigos anteriores serán sancionadas:

- As leves, con multa de ata 750 €.
 - As graves, con multa de 751 a 1.500 € que poderá acompañarse da clausura temporal da terraza por un espazo de tempo non superior a un mes.
 - As moi graves, con multa de 1.501 a 3.000 € que poderá acompañarse da retirada da autorización da terraza con carácter definitivo.
2. Na imposición das sancións, deberase gardar a debida adecuación entre a gravidade da infracción cometida e a sanción aplicada, debéndose seguir para a graduación da sanción a aplicar os seguintes criterios:
- A gravidade da infracción.
 - O prexuízo causado.
 - O beneficio obtido.
 - A reiteración.
 - As circunstancias do responsable.
 - A reincidencia, pola comisión no termo de 1 ano de máis dunha infracción da mesma natureza, cando así se declarase por resolución firme.
 - A intencionalidade.

ARTIGO 24. PRESCRICIÓN

1. As infraccións leves prescriben aos 6 meses, as graves aos dous anos e as moi graves aos 3 anos.
2. As sancións impostas por faltas leves prescribirán ao ano, as graves aos dous e as moi graves aos tres anos.
3. O prazo de prescrición das infraccións comezará a contarse desde o día en que a infracción se cometese e o das sancións desde o día seguinte a aquel no que adquira firmeza a resolución pola que se impón a sanción.

Disposición transitória única

As autorizacións concedidas con anterioridade á entrada en vigor da presente Ordenanza deberán axustarse ao disposto nela no prazo máximo de 3 meses desde á súa entrada en vigor.

Disposición derogatoria única

Queda expresamente derogado a Ordenanza reguladora de terrazas na vía pública aprobada polo pleno de data 1 de decembro de 2005, e publicada no BOP nº 35 de 20/02/06 e corrección de erros no BOP 69 de 07/04/06.

Disposición final primeira

A promulgación futura e entrada en Vigor de normas de rango superior ao desta Ordenanza que afecten ás materias reguladas na mesma determinará a aplicación automática daquelas, sen prexuízo dunha posterior adaptación, no que fose necesario, da Ordenanza.

Disposición final segunda

Conforme co establecido nos artigos 70.2 e 65.2 da Lei 7/1985, do 2 de abril, Reguladora das Bases do Réxime Local, esta Ordenanza entrará en Vigor aos quince días hábiles da súa publicación completa no Boletín Oficial da Provincia de Pontevedra, unha vez aprobada definitivamente polo Pleno da Corporación e rexerá en tanto non se acorde a súa modificación ou derogación.

Segundo.- Someter a Ordenanza ó período de exposición ó público mediante inserción de anuncio no BOP de Pontevedra e taboleiro de anuncios do Concello de Baiona.

Polo Sr.ALCALDE sométese a votación o presente punto, resultando aprobado por unanimidade dos presentes.


Polo cal, o Pleno do Concello de Baiona, por unanimidade dos presentes, ACORDA:

Primero.- APROBAR inicialmente a Ordenanza reguladora de instalación de terrazas en la vía pública.

Segundo.- Someter a ordenanza ó periodo de exposición pública mediante inserción de anuncio no BOP de Pontevedra e taboleiro de anuncios do Concello de Baiona.

E para que así conste e coa salvidade do artigo 206 do Regulamento de Organización, Funcionamento e Réxime Xurídico das Entidades Locais, libro a presente, de orde e co visto e praxe do Sr.Presidente, en Baiona a dezaseis de abril de dous mil trece.

Vº e Prce.;
O ALCALDE-PRESIDENTE,



A large, complex handwritten signature in blue ink, consisting of many overlapping loops and curves.